

Tūkunga 2: Kelela—‘E fe‘unga nai ‘eku ngaahi feingá ke fakahoko e me‘a kuo kole mai ‘e he ‘Eikí ke u fakahokó? (Sione 6:5–14)

TOHI LĒSONI ‘A E SEMINELÍ KI HE FUA KAVA FO‘OÚ

‘I he mamata ‘a Sisū mo ‘Ene kau ākongá ki he ha‘u ‘a ha fu‘u kakai tokolahi, na‘e manavasi‘i ‘a e kau ākongá na‘a ‘oku ‘ikai ke nau ma‘u ha me‘akai fe‘unga ke fafanga ‘aki e tokotaha kotoa pē.

Ako ‘a e fakamatala ki hono fafanga ‘e Sisū ‘a e toko 5,000 ‘i he Sione 6:5–14, ‘o kumi mo faka‘ilonga‘i ‘a e fakamo‘oni ki he tefito‘i mo‘oni ko ‘ení: **‘i he taimi ‘oku tau foaki ai ki he Fakamo‘uí ‘a e me‘a kotoa pē ‘oku tau ma‘ú, te Ne lava ‘o fakalahi ‘etau ngaahi feingá ke fakahoko ‘aki ‘Ene ngaahi taumu‘á.**

- Ko e hā na‘á ke ma‘u ‘i he ngaahi veesi ko ‘ení ‘okú ne poupou‘i ‘a e tefito‘i mo‘oni ko ‘ení?
- ‘Okú ke pehē ko e hā na‘e ongo‘i ‘e he kau ākongá pe ki‘i tamasi‘i fekau‘aki mo e me‘a na‘e pau ke nau foakí ‘o fakatautu ki he me‘a na‘e fiema‘ú?

Lau ‘a e fakamatala ko ‘eni na‘e fai ‘e Sisitā Mīseli D. Kuleki, ko e Tokoni ‘Uluaki ‘i he Kau Palesitenisi Lahi ‘o e Kau Finemuí:



Kuó ke ongo‘i nai ‘oku fu‘u sí‘isí‘i fau ho ngaahi talēnití mo e me‘afoakí ki he ngāue ‘oku hanganaki maí? Kuó u ongo‘i pehē. Ka te tau lava ‘o ‘ave ‘a ia ‘oku tau ma‘ú kia Kalaisi, pea te Ne fakalahi ‘etau ngaahi ngāue. Ko e me‘a te ke foakí, ‘oku lahi ‘ānoa ia—pea na‘a mo ho‘o ngaahi tōnounou mo e vaivai‘angá—‘o kapau te ke falala ki he ‘alo‘ofa ‘a e ‘Otuá. (Michelle D. Craig, “Ta‘efiemālie Fakalangí,” *Ensign* pe *Liahona*, Nōvema 2018, 54)

- Ko e hā ha ngaahi founa kehekehe te tau lava ai ‘o “‘ave ‘a ia ‘oku tau ma‘ú kia Kalaisi”?
- Ko e hā na‘á ke ako mei he fakamatala ko ‘eni ki hono fafanga ‘e Sisū ‘a e toko 5,000, ‘e lava ‘o tokoni ki ha taha ‘oku hoha‘a he ‘ikai fe‘unga ‘a e me‘a te nau lava ‘o foakí?

‘I ho‘o teuteu ke vahevahe e me‘a na‘á ke akó, fakakaukau ki ha ngaahi sippinga mei ho‘o mo‘uí pe mo‘ui ‘a e ni‘ihi kehé ‘i he taimi kuó ke mamata ai ki hono fakalahi ‘e he Fakamo‘uí ‘a e feinga ‘a ha taha ke fakahoko ‘Ene ngāue.